



**Broj: 01-290/14**  
**Vareš, 29.12. 2014. godine**

Na osnovu člana 3. Zakona o finansiranju pomoći za otklanjanje posljedica prirodne nesreće i obnovu područja zahvaćenim prirodnim nesrećama („Sl. novine FBiH“ 59/14) i Uredbe o kriterijima za dodjelu sredstava za otklanjanje posljedica prirodne nesreće i obnovu područja zahvaćenih prirodnom nesrećom („Službene novine Federacije BiH“, V broj 66/14) i Odluke o utvrđivanju kriterija dodjele i usmjeravanja sredstava nastradalima područjima broj: 01-14-9/14 od 04.09.2014. godine donesene od strane Federalnog fonda za pomoć nastradalim područjima od prirodne nesreće na teritoriji Federacije Bosne i Hercegovine – Upravnog odbora, i člana 22. Statuta Općine Vareš – Prečišćen tekst, broj: 01-162/12 od 11.09.2012. godine, Općinsko vijeće Vareš, na 24. sjednici održanoj 29.12.2014. godine, d o n o s i

## **ODLUKU**

o kriterijima za dodjelu sredstava porodicama čiji su stambeni objekti oštećeni ili uništeni usljed prirodne nesreće

### **I**

Ovom Odlukom određuju se uslovi i kriteriji za dodjelu sredstava porodicama čiji su stambeni objekti oštećeni ili uništeni usljed prirodne nesreće, koja su dodijeljena Općini Vareš od Federalnog fonda za pomoć nastradalim područjima od prirodne nesreće na teritoriji Federacije Bosne i Hercegovine, Odlukom broj 01-14-9/14 od 04.09.2014. godine u ukupnom iznosu od 31.954,09 KM

### **II**

Ovu Odluku primjenjivat će Općina Vareš, nadležni općinski organ (komisija za provođenje postupka dodjele sredstava porodicama čiji su stambeni objekti oštećeni ili uništeni usljed prirodne nesreće), na osnovu koje će sačiniti listu prioriteta za dodjelu navedenih sredstava, a nakon provedene konkursne procedure i izbora korisnika. Pojedinačni iznos novčane pomoći u obnovi oštećenih ili uništenih objekata, koja će se dodijeliti korisniku određuje se na način da se ukupan iznos sredstava namijenjenih za raspodjelu dijeli sa ukupnim brojem bodova korisnika, koji ispunjavanju uvjete javnog konkursa, čime se dobiva vrijednost jednog boda, a zatim se vrijednost jednog boda množi sa brojem bodova, koji je ostvario svaki učesnik konkursa, odnosno podnosilac zahtjeva koji ispunjava uslove konkursa.

### III

Za dodjelu sredstava porodicama čiji su stambeni objekti oštećeni ili uništeni usljed prirodne nesreće, podnosioci zahtjeva moraju ispunjavati sljedeće uslove iz Uredbe o kriterijima za dodjelu sredstava za otklanjanje posljedica prirodne nesreće i obnovu područja zahvaćenih prirodnom nesrećom („Službene novine Federacije BiH“, V broj 66/14), a to su:

1. Da je državljanin Bosne i Hercegovine
2. Da je u vrijeme prirodne nesreće proglašene Odlukom o proglašenju stanja prirodne nesreće na području Federacije BiH uzrokovane obilnim kišnim padavinama, koje su prouzrokovale poplave na području Federacije BiH („Službene novine Federacije BiH“, broj 37/14), imao imovinu na teritoriji općine zahvaćene prirodnom nesrećom
3. Da mu je odlukom nadležne komisije utvrđen nastanak štete na imovini i da je šteta prouzrokovana prirodnom nesrećom iz tačke 2. ovog stava

**Komisija će bodovati lične prilike podnosioca zahtjeva na sljedeći način:**

4. Korisnici
  - 4.1. koji nisu do sada dobili nikakva sredstva za obnovu i izgradnju stambenih objekata boduju se sa 10 bodova
  - 4.2. korisnici koji su do sada dobili iznos za obnovu i izgradnju stambenih objekata do 3.000,00 KM boduju se sa 6 bodova
  - 4.3. korisnici koji su do sada dobili iznos za obnovu i izgradnju stambenih objekata preko 3.000,00 KM boduju se sa 3 boda
5. Novčana primanja domaćinstva (svih članova sa kućne liste) i to u tri kategorije:
  - 5.1. Novčana primanja do 350,00 KM po domaćinstvu boduju se sa 3 boda,
  - 5.2. Novčana primanja od 350,00-800,00 KM po domaćinstvu boduju se sa 2 boda
  - 5.3. Novčana primanja preko 800,00 KM po domaćinstvu boduju se sa 1 bod
6. Porodice sa maloljetnom djecom-boduju se sa 2 boda po maloljetnom djetetu do 18 godina života,
7. Bolesne članove porodice koji imaju procjenu nadležne ljekarske komisije o tjelesnom oštećenju organizma od 80% i više na osnovu čega su evidentirani u Centar za socijalni rad Vareš-boduju se po 2 boda po bolesnom članu porodice,
8. RVI koji imaju utvrđeno tjelesno oštećenje organizma od 80% i više –boduju se po 2 boda,
9. Korisnike stalne socijalne pomoći –boduju se po 2 boda po članu porodice koji je korisnik stalne socijalne pomoći,
10. Visina štete stambenog objekta-stepen oštećenja

Stepen oštećenja		Bod
KM		
Od	Do	
0	1000	2
1000	2000	6
2000	3000	10
3000	4000	14
4000	5000	18
5000	7500	25
7500	10000	35
10000	20000	60
20000	30000	100

#### IV

Pravo na dodjelu sredstava ne može ostvariti više od jedne osobe iz pripadajućeg domaćinstva.

Ako stambeni objekat ima više suvlasnika i više domaćinstava, pravo na pomoć po ovom konkursu mogu ostvariti suvlasnici koji dokažu da su u vrijeme prirodne nesreće stanovali u uništenom ili oštećenom stambenom objektu. (izjava suvlasnika ovjerena kod notara).

#### V

Nakon izbora korisnika sredstva po ovoj odluci, direktor Fonda, načelnik Općine i korisnici sredstva, potpisat će ugovor o utrošku sredstava dobijenih za sanaciju i izgradnju stambenih objekata izabranih korisnika.

#### VI

Ova Odluka stupa na snagu narednog dana od dana donošenja i bit će objavljena na oglasnoj ploči Općine Vareš i web stranici Općine Vareš [www.vares.info](http://www.vares.info).

**PREDSJEDAVAJUĆI  
OPĆINSKOG VIJEĆA**

**Zdravko Marošević**

## **Obrazloženje**

### **Odluke o kriterijima za dodjelu sredstava porodicama čiji su stambeni objekti oštećeni ili uništeni usljed prirodne nesreće**

#### **Pravni osnov**

Pravni osnov za donošenje ove Odluke je Uredba o kriterijima za dodjelu sredstava za otklanjanje posljedica prirodne nesreće i obnovu područja zahvaćenih prirodnom nesrećom („Službene novine Federacije BiH“ 66/14) i Odluka o utvrđivanju kriterija dodjele i usmjeravanja sredstava nastradalim područjima broj: 01-14-9/14 od 04.09.2014. donesene od strane Federalnog fonda za pomoć nastradalim područjima od prirodne nesreće i član 22. Statuta Općine Vareš – Prečišćen tekst, broj: 01-162/12 od 11.09.2012. godine

#### **Razlog za donošenje**

Sredstva su već doznačena na račun Općine Vareš, i članom 3. tripartitnog ugovora o načinu korištenja novčanih sredstava Federalnog fonda za pomoć nastradalim područjima od prirodne nesreće na teritoriji Federacije Bosne i Hercegovine je predviđeno da se sredstva dodjeljuju u skladu sa kriterijima–prioritetima usvojenim od strane Općinskog vijeća.

S obzirom na hitnost provođenja Odluke o utvrđivanju kriterija dodjele i usmjeravanja sredstava nastradalim područjima broj: 01-14-9/14 od 04.09.2014. godine donesne od Federalnog fonda za pomoć nastradalim područjima od prirodne nesreće, Općinski načelnik je 16.10.2014.godine donio Odluku o kriterijima za dodjelu sredstava porodicama čiji su stambeni objekti oštećeni ili uništeni usljed prirodne nesreće, broj: 02-1301/14, jer obaveza je svih nivoa vlasti pa tako i Općine da što hitnije postupaju u ovim stvarima, a radi bržeg i efikasnijeg otklanjanja štetnih posljedica prirodne nesreće.

Na prijedlog Općinskog načelnika, Općinsko vijeće Vareš je na 22. sjednici održanoj 30.10.2014. godine donijelo Zaključak, broj: 01-232/14, kojim je data saglasnost na Odluku o kriterijima za dodjelu sredstava porodicama čiji su stambeni objekti oštećeni ili uništeni usljed prirodne nesreće broj: 02-1301/14, da bi se krenulo u dalju konkursnu proceduru i odabir korisnika za dodjelu novčanih sredstava.

Nakon toga je Općinsko vijeće Vareš na 23. sjednici održanoj 27.11.2014. godine donijelo Zaključak, broj: 01-259/14 o stavljanju van snage Zaključka, broj: 01-232/14 kojim je data saglasnost na Odluku o kriterijima za dodjelu sredstava porodicama čiji su stambeni objekti oštećeni ili uništeni usljed prirodne nesreće, broj: 02-1301/14.

Općinski načelnik 02.12.2014. godine donosi Odluku, broj: 02-1495/14, kojom se poništava Javni konkurs za dodjelu novčanih sredstava porodicama čiji su stambeni objekti oštećeni ili uništeni usljed prirodne nesreće, broj: 02-1306/14. od 17.10.2014. godine, kao i Odluka o kriterijima za dodjelu sredstava porodicama čiji su stambeni objekti oštećeni ili uništeni usljed prirodne nesreće, broj: 02-1301/14. od 16.10.2014. godine, a u skladu sa Zaključkom Općinskog vijeća Vareš, broj:01-259/14. od 27.11.2014. godine o stavljanju van snage Zaključka , broj: 01-232/14. od 30.10.2014. godine kojim je data saglasnost na Odluku o kriterijima za dodjelu sredstava porodicama čiji su stambeni objekti oštećeni ili uništeni usljed prirodne nesreće, broj: 02-1301/14. od 16.10.2014. godine.

Potrebno je donijeti novu Odluku o kriterijima za dodjelu sredstava porodicama čiji su stambeni objekti oštećeni ili uništeni usljed prirodne nesreće, u kojoj će se bodovati i stepen oštećenja stambenog objekta, da bi raspisali ponovni Javni konkurs za dodjelu sredstava porodicama čiji su stambeni objekti oštećeni ili uništeni usljed prirodne nesreće.

Napominjemo da ukoliko se ova sredstva ne utroše na dogovarajući način i u dogledno vrijeme ne poduzmu sve aktivnosti oko njihovog valjanog usmjeravanja krajnjim

korisnicima ista se moraju vratiti na račun Federalnog fonda za pomoć nastradalim područjima od prirodne nesreće na teritoriji Federacije Bosne i Hercegovine.

### **Finansijska sredstva**

Za provođenje ove Odluke Općini Vareš su doznačena sredstva Federalnog fonda za pomoć nastradalim područjima od prirodne nesreće u iznosu od 31.954,09 KM.

**PREDLAGAČ  
OPĆINSKI NAČELNIK**

**Kovačević Avdija, dipl.pravnik**